




آیده بردفعه ترکیه و فرانسزجه اولاراق نشر ایدیلیر
بجموعه عثمانیه واسلامیه در

مندرجات :

روح الاقوام	عبدالله جودت
وفیات الاعیان	«
روح نسا	بدرخان پاشا زاده عبدالرحمن
مسلمانلر اویانک	بر ذات محترم
روسیه و زاپونیا	۰۰۰
مکتوب مخصوص	بر ارمنی وطنداش طرفندن
مطبوعات اخیرہ	***

جنوره : ۱۹۰۵

سر محرر : دو قنور عبدالله جودت

شمس الدين سامی بك

علوم و ادبیات عثمانیه عالمی . مع التأسف بك محدود العدد اولان اعیانندن شمس الدين سامی بكي غائب ایتدی . سامی بك تنور و تعب بیلمز . کوشش عا-
لمانه سیله شبان ذکایه متین برغونۀ امثال عرض ایتدی .
الك جبار بر اداره . الك و هام بر سانسور آلتندده ترقیات
علمیه و فنییه خدمت ایتك ممکن اولدیغی کوستردی .
تقریباً یکرمی سنه اول نشر ایتمش اولدیغی [هفته] رساله
موقوتہ سی الك درین . الك نازك موضوعلر اوزهرینه یازیلמש
مقاله لرله دولودر .

هو غونك آثار مخلده سندن [سفیلر] ترجمه سی
سامی بکك اثر خامۀ عرفان و غیرتیدر . بش کتابندن
متشکل بو کتابك اوج خمی طبع ایدلکدن صوکر
بزم سرسم سانسور کوزینی آجش و دوام طبع و
انتشارینی منع ایتمشدی . [قادیلر] [یر] [کوك]
[اساطیر] کیی حجمجه کوچوک اثرلری بیله بزم
مطبوعاتمزه پک یکی و عرفان مایمک حال حاضرینه
کوره پک قیمتدار کتابلردن در .

سامی بك مرحومی شخصاً طاییدق ، نعمت
انسیتیله متمم اولدق ؛ ییلدیز نشین جبارۀ قارشق قلب
فضیلت پناهنده کی نقرنی ، غیظ محق آنجاق معارف ملیه
یه بر اثر ، برنور داما علاوه ایتمکله تسکین ایدهردی .
مملکتکته ، وطنه خدمت ایتك مستبدۀ سوکوب صایماق
دن عبارت بیلیندورسه ایواهلر اولسون ؛ ایستانبولده
کوشۀ اشغال علمینسنده قالب عندالاقضا ظالم پادشاهه
دعا ایتمکده قاتلاناراق ملتیه جلدلرله کتب نافعۀ تبرع
ایندن شمس الدين سامی البته و البته آوروپانک برکوشه
سنه یان کلوب کوسمش بالینا بالینی کیی املسز ، مجلسز

یاشایان ویا ولوله ماکیان قیلندن تک توك ثمریات ایله
مشتعل اولان برچوق کیمسلردن پک چوق خدمت
وطنیهده بولونمشدر . شو صوک یازیم عصرده ترکیاده
یتیشن فضلانک الک بویوک شهبه سز شمس الدين سامی
بک در . علم و فضیلتک تحقیر ایدلمه دیکی بر دور کلنججه
مملکتتمزده ناملرینه هیکل دیکله جک خادمین ملتک سر
افرازی بو کشور کشای عرفان و غیرتدر . واقعا بو
بویوک میت بر چوق حیلردن داما زیاده ناقابل نسیان
در . « قاموس فرانسوی » « قاموس الاعلام » « سفیلر »
تولج هیکللردن داما زیاده پایدار و مقاوم صدمات اد-
وار آبدلردن در . عائله محترمه سنی و اولاد عرفان
و کمالی اولان اذکیای وطنی تعزیه ایدهر و بو استاد
کاملک مسلک غیرت و فضیلتنه سالک اولمالرینی - سلا
مت واعتلاوی وطن نامه - از دل و جان تمنی ایدهرز .



مسلمانلر ! اویانک !

منافع ملیه کرک اوزهرینه کوزکری آجاق و غائب
اولماقده بولونان موقع سیاسیگری پیتس ملاحظه آلماق
زمانکر چوقدن کلشدر . وقتيله . بربرینی متعاقباً اقوامی
مغلوب و کشورلری فتح ایتدیکی آوروپاده ، آسیاده
آفریقاده سوبسو الهام خوف و حرمت ایتیه آلیشمش
ومتادیا ایکی عصر . بر چوق آوروپا اقوامنک ، مشترک
و مکرر سعیات تحریب جویانه سنه مقاومت ایتمش اولان
شوکت سابقه مهیه کر شیمیدی بوتون عالمده عدم تنزل
و استحقار کوسترمکده در .

وقتيله بر قوم مستقل اولاراق کندی دولت وادا
ره لرینه مالک بولونان ۲۰۰ میلیون متجاوز اسلامک
اوج ربعی دول آجنییه نک بویوندوروغی آلتا کیردی ؛
حکومتلری آللرندن آلتدی . اسلاملرک متباقی بر ربعی